

Utoqqaat Siunnersuisooqatigiivisa ataatsimiinnerannit imaqarniliaq

Piffissaq: pingasunngorneq ulloq 28. aggusti nal. 1100 -13.00
Sumiiffissaq: Imaneq 34, 2 sal – Atorfilittallit ataatsimiittarfianni

Peqataasut:

Laannguaq Lyngge, siulittaasoq (LL)
Søren Joelsen, siulittaasup tullia (SJ)
Loritha Henriksen, ilaasortaq (LH)
Bodil Karlshøj Poulsen, ilaasortaq (BKP)
Lars Jørgen Kleist, imaqarniliortoq (LJK)

Peqataasinnaangitsut:

Jonas Napātôq, ilaasortaq (JN)
Arnannnguaq H Christensen, fagcheffi (AHC)

Oqaluuserineqartut:

- 1. Siulittaasoq Laannguaq Lyngge-mit tikilluaqqusineq oqaluuserisassanillu akuersineq**
Siulittaasoq Laannguaq Lyngge ataatsimiinnermut tikilluaqqusivoq.
- 2. Kingullermi ataatsimiinnermi imaqarniliamik akuersineq – ulloq 6. juuni 2019**
Aalajangiineq: Akuersissutigineqarpoq.
- 3. Ilisimatitseqatigiinneq**

Utoqqarnut susassaqarfimmi fagcheffi – Arnannnguaq H. Christensen

Killiffik: Immikkoortoq Ilaqutariinnut immikkoortumi fagchefip ilaqutaani napparsimasoqarnera pissutigalugu kinguartinneqarpoq

Bodil Karlshøj Poulsen:

Inatsisartut ukiakkut ataatsimiinnissaanni Utoqqalinersiat allannguuteqartinneqarnissaat pillugu siunnersuummik oqaluuserisassaqarpoq. Siunnersuut taaguuteqarpoq: Inatsisartut Utoqqalinersiaqalertarneq pillugu inatsisaata nr xx, ulloq xx 2019-imeersup allanngutaa. Sinnersuummi utoqqalinersiani inummut ilanngaat 100.000 koruuninik qaffanniarneqarpoq annikilliarortinneqarneranullu procenti appartinneqarluni. Utoqqaat Siunnersuisooqatigiivisa Kommuneqarfik Sermersuumit tusarusuppaat Utoqqaat Siunnersuisooqatigiivi piffissami tusarniaaviumi sooq tusarniarneqarsimannginnersut.

Laannguaq Lyngge-p Suliffeqarnermut Isumaginninnermullu Ataatsimiititap siulittaasortaava Inge Olsvig Brandt ataatsimeeqatigivaa:

Ulloq 20 aggusti 2019 pitsaasumik kusanartumillu Suliffeqarnermut Isumaginninnermullu Ataatsimiititami siulittaasortaav Inge Olsvig Brandt ataatsimeeqatigineqarpoq. Laannguup Utoqqaat Siunnersuisooqatigiivisa septembarip ulluisa 4-ni 2019-imi Katersortarfimmi innuttaasunut nal: 14.00 - 16.00 ataatsimiititsinissamik pilersaaruteqartoqarnera ilisimatitsissutigivaa.. Innuttaasunik ataatsimiititsinissamut tunngatillugu isumaqatigiissutigineqarpoq taanna ulloq 16. septembari 2019-ip kingorna kinguartinneqassasoq, Suliffeqarnermut Isumaginninnermullu Ataatsimiititaq ulloq 4. septembari 2019 illoqarfiup avataanut angalasussaammat.

4. Ataatsimiinnermit kingullermit malitseqartitsineq:

Utoqqalinersialinnut pensionisiat pillugit

Paasisutissiinnermut atortut/quppersagaaraq

Oqartussaqarfimmut tunngasunik immikkoortoqarfimmiit quppersagannguaq suliarineqareerpoq.

Quppersagannguup qallunaatuani oqaasertai kukkuneqaalupput.

Utoqqaat Siunnersuisooqatigiivisa kaammattuutigivaat:

- Quppersagannguaq kukkunersiorneqassasoq Sullissiviup nittartagaatigut ivertinneqartinnani.
- Quppersagannguaq Nuuk Ugeavis aqutugalugu pappialanngorlugu agguanneqassasoq aamma Kommuniip ataani oqartussaqarfimmut agguanneqassasoq kiisalu Kommuneqarfik Sermersuumi Utoqqaat Ornittagaannut. Taakkua saniatigut Kommuneqarfik Sermersuumi illoqarfimmut allanut nassiunneqassaaq.

Aningaasat nammineq atorsinnaasat najoqqutassaannik iluarsineq

Utoqqaat siunnersuisooqatigiinni siulittaasooq allakkatigut Suliffeqarnermut Isumaginninnermullu Ataatsimiititamut innersuussuteqarpoq, utoqqaat kisiimiittut aamma aappariit, 2008-mili akinik najoqqutassatut nalimmassaaffigineqarsimangitsut nammineq atugassaasa akinut nalimmassarneqarnissaat pillugu.

Aalajangiineq:

Tusaatissatut tiguneqarput.

Utoqqaat pillugit Siunnersuisooqatigiit ulloq 7, marsi 2019-imi Pilutaq pulaarpaat

Utoqqaat Siunnersuisooqatigiivi Suliffeqarnermut Isumaginninnermullu Ingerlatsivimmit kissaatigivaat pulaarnerup kingorna suliniutit aallartinneqartut sumut killissimaneri.

Aalajangiineq:

Immikkoortoq Ilaqutarinnut immikkoortumi fagchepip ilaqutaani napparsimasooqarnera pissutigalugu kinguartinneqarpoq.

Utoqqaat Siunnersuisooqatigiivisa ataatsimiiffissaat

Utoqqaat Siunnersuisooqatigiivisa ullut ataatsimiiffissaat:

- Utoqqaat Peqatigiiffiata Palleq ataatsimeeqatiginissaanut piareersarnek ulloq 11, septembari 2019 nal: 13.00 - 15.00 Allaffissuaq (Kommunalbestyrelsen ataatsimiittarfiani) Piffissaa akuerineqarpoq.
- Ataatsimiititamik ulloq 17, septembari 2019 nal: 11.00 - 13.00 Allaffissuarimi ataatsimeeqateqarnek (Kommunalbestyrelsen ataatsimiittarfiani). Piffissaa akuerineqarpoq – Bodil ulloq taanna allamik pisassaqarluni peqataasinnaangilaq.

5. Utoqqarnut tunngasunik kisitsisinngorlugu takussutissaq (Oqaluuserisassanut ilaajuaannartoq)



Ataatsimiinnermi tunniunneqassaaq – Immikkoortoq Ilaqutarinnut immikkoortumi fagchefip ilaqutaani napparsimasoqarnera pissutigalugu kinguartinneqarpoq

Aalajangiineq:

- Utoqqat Siunnersuisooqatigiivi isumaqarput, Kommuneqarfik Sermersuumi Puigortunngortunut kisitsisit nutarterneqarsimannginneri naammaginngitsuusoq. Utoqqaat Siunnersuisooqatigiivinit kissaatigineqarpoq tulliani Utoqqaat Siunnersuisooqatigiit ataatsimiinnissaanni ulloq 27, novembari 2019-imi taakkua piareersimanissaat.

6. Utoqqaat DK-mut qimaasut (kisitsisit paasissutissat)

Ataatsimiinnermi tunniunneqassapput

Aalajangiineq:

- Utoqqaat Siunnersuisooqatigiivinit Suliffeqarnermut Isumaginninnermullu Ataatsimiititamat innersuussutigineqarpoq, utoqqaat Danmarkimut qimarrannerat ilisimatusarneq tunngavigalugu misissorneqarnissaa pillugu. Qulequtaq utoqqaat Danmarkimut qimarrannerannut tunngasoq Suliffeqarnermut Isumaginninnermullu Ataatsimiititaq ulloq 17, septembari 2019 ataatsimeeqatigineqalerpat oqaluuserineqassaaq.

7. Oqartussaqaarfimmit paasissutissat

Oqartussaqaarfimmut immikkoortoqaarfimmit paasissutissat pissarsiarineqarput, Utoqqarnut Siunnersuisooqatigiinni misissorneqartussat. Utoqqarnut Siunnersuisooqatigiit taakkua imarisaanik misissueqqullugit aammalu innersuussuteqaqqullugit qinnuigineqarput.

Aalajangiineq:

Utoqqarnut Siunnersuisooqatigiit isumaqarput Utoqqarnut paasissutissat suliarineqarsimaneri pitsaasuusoq imaattunillu ilassuteqarusupput:

- Utoqqalinersiallit namminerisaminnillu illullit aquataajaassunneqartarnissaat pillugu qulequtaq.

Taassuma saniatigut Utoqqarnut Siunnersuisooqatigiit isumaqarput, Kommuneqarfik Sermersooq utoqqalinersiaqalersussanut ataatsimoortumik allakkiortoqarnissaa pisariaqartuusoq (66-inik ukioqalinnginnerini).

Taamaattumik Utoqqarnut Siunnersuisooqatigiinnit innersuussutigineqarpoq:

- Kommuneqarfik Sermersuumi Oqartussaqaarfimmut immikkoortoqaarfik utoqqalinersiaqalersussanut ataatsimoortumik allakkiussasoq (66-inik ukioqalersinnagit nassiunneqartartussamik) taakkualu imatut imaqassasut:
- Allakkat tikilluaqqussutit imatut imaqartinneqarsinnaapput:

Asasara xxxx xxxxxxxx

Kommuneqarfik Sermersuup illit 66-inik ukioqalertussaanerit nalunaarutigerusuppaa, aamma inatsillu il, il, taanna malillugit utoqqalinersiaqalernissannut pisinnaatitaaffeqaarnerit pillugu. Kommuneqarfik Sermersuup utoqqalinersialittut inuulernissannut tikilluaqqujumavaatit neriuutigalugulu nuannersumik atorumaarit.

Taamaattumillu Kommuneqarfik Sermersuup nuannaarutigivaa utoqqalinersialittut inuunissanni suut pisinnaatitaaffigineritit pillugit oqaluttuussinnaagamitit.

Utoqqalinersialinnut korti:

Oqaasertassaa suliarineqassaaq.



Kisermaat aamma aappariit aningaasat namminneq atorsinnaasaat pillugit

Najoqqutassaq pillugu paasissutissat:

Oqaasertassaa suliarineqassaaq.

Utoqqalinersialinnut aamma siusinaartumik pensionisialinnut akeqanngitsumik nalukkiarsinnaaneq (Nuummi atuuttoq)

Akeqanngitsumik isertoqarsinnaavoq aamma ataasinngornermiit sisamangornermut nal: 10.00-miit matunissaata tungaanut, kiisalu tallimangornermi nal: 12.00-imiit matunissaata tungaanut Nuummi utoqqalinersialinnut aamma siusinaartumik pensionisialinnut tamanut.

Bussinut korti (Nuummi atuuttoq)

Oqaasertassaa suliarineqassaaq.

Aputaajaaneq

Oqaasertassaa suliarineqassaaq.

Utoqqalinersialinnut siusinaartumillu suliunnaarnersiutilinnut ornittakkat

Oqaasertassaa suliarineqassaaq.

Kommuneqarfik Sermersuumi utoqqaat peqatigiiffii

Oqaasertassaa suliarineqassaaq.

Kommuneqarfik Sermersuumi Utoqqarnut Siunnersuisooqatigiit

Oqaasertassaa suliarineqassaaq.

Oqartussaqaarfinnut susassaqaarfik sumi inissisimava?

Oqaasertassaa suliarineqassaaq.

Paasissutissat allat

Utoqqalinersiallit pisinnaatitaaffii pillugit paasissutissat allat attuumassuteqarsinnaasut tamaasa aamma ilanngunneqassapput.

Qupperagassatut siunnersuut suliarineqartoq kukkunersiorneqassaaq (Bodil) taassumalu Ingerlatsivimmut utertissavaa.

8. Utoqqaat Siunnersuisooqatigiivisa tamaut ataatsimiititsinissaata, ulloq 4, septembari 2019, pilersaarusiornera.

Tamanut ulloq 4, septembari 2019 ataatsimiititsinissaq ulloq 16, septembarip 2019-ip kingorna pisussanngorlugu kinguartinneqarpoq.

Utoqqaat Siunnersuisooqatigiivinit eqqartorneqartussaq:

- Ataatsimiinneq sunik imaqartinneqassava?

Aalajanngiineq:

Kissaatigineqarpoq tamanut ataatsimiititsineq sisamangornermi septembarip ulluisa 19-ianni 2019 nal: 14-16 Katersortarfimmi ingerlanneqassasoq. Ingerlatsivimmit misissorneqassaaq ulloq taanna Katersortarfik atorneqassanersoq – innuttaasunik ataatsimiititsineq Katuap inersuaaraani ingerlanneqarsinnaanersoq misissorneqassaaq.

Suliffeqarnermut Isumaginninnermullu Ataatsimiititaq aamma Kommuneqarfik Sermersuumi Ingerlatsiviit tamarmik ataatsimiinnissamut aggersarneqassapput.



Innuttaasunik ataatsimiititsinissamut piareersarneq Allaffissuarmi nal: 13.00 - 14.00 ingerlanneqassaaq, Suliffeqarnermut Isumaginninnermullu Ataatsimiitamik ataatsimeeqateqarnerup kinguninnguatiqut.

Utoqqarnut Siunnersuisooqatigit ataatsimiinnermi kissaatit aamma Kommuneqarfik Sermersuumit pingaarnersiugassat saqqummiutissavaat, ilaatigut:

- Utoqqaat Siunnersuisooqatigiit Suliffeqarnermut Isumaginninnermullu Ataatsimiititamut innersuussutigivaa Nuummi utoqqalinersialinnut aamma siusinaartumik pensionisialinnut Ornittagaq nutaaq pilersinneqassasoq aamma ullumikkut Blok 10-mi (allermi) Ornittakkami atugassarititaasut
- Utoqqarnut Siunnersuisooqatigiit Suliffeqarnermut Isumaginninnermullu Ataatsimiititamut innersuussutigineqarpoq utoqqaat Danmark-imut qimarrannerat pillugu ilisimatusarneq tunngavigalugu tamatuma misissorneqarnissaa.
- Utoqqaat Siunnersuisooqatigiinnit Suliffeqarnermut Isumaginninnermullu Ingerlatsivimmut innersuussutigineqassaaq utoqqalinersiaqalersussat ataatsimoortumik allakkiorfigineqassasut, utoqqalinersiallit pisinnaatitaaffii allallu paasissutissat pillugit.
- Pilutaq – Ornittakkap siunissami qanoq atorineqarnissaa pillugu atuisut sunik kissaateqarpat.
- Suliffeqarnermut Isumaginninnermullu Ataatsimiititaq aperineqarpoq taakku innuttaasunik ataatsimiititsinermi immikkoortunik sunik sammineqarnissaat pillugu.

9. Taasariaqartut allat

- Blok 10-mi ornittagaq suli iluarsaanneqarpoq.
- Kommuneqarfik Sermersuumi utoqqaat sunik periarfissaqartinneqarpat?
- Juunip ulluisa 15-iani 2019-ip kingorna - pilersaarutaasimagaluarpoq 5, aggusti 2019 ammarneqassasoq.
- Utoqqaat Siunnersuisooqatigiivinit, allakkat Utoqqaat Siunnersuisooqatigiivisa siulittaasuanit aamma Utoqqaat peqatigiiffiata siulittaasuanit atsiorneqartut, Blok 10-mi Ornittakkami atugassaritinneqartut akuersaarneqarsinnaanngitsut pillugit, Suliffeqarnermut Isumaginninnermullu Ataatsimiititap siulittaasuanut aamma Meeqqanut Ilaqutariinnullu Ataatsimiititap siulittaasuanut, allakkallu assilineqarneri Borgmesterimut, ingerlateqqinneqarnissaat kissaatigineqarpoq. Blok 10-mi Ornittagaq juunimili matoqqavoq pilersaarutillu malillugit aggustip aallartinnerani 2019-imi ammaqpinneqartussaagaluarpoq.. Suli matoqqavoq, utoqqalinersiarpassuallit aamma siusinaartumik pensionisialippasuit juunimili 2019-imi sumiiffissaaruteqqapput.. Tamanna akuerineqarsinnaanngilluinnartut Utoqqaat Siunnersuisooqatigiivinit isumaqarfigineqarpoq.
- Suliffeqarnermut Isumaginninnermullu Ingerlatsiviup nalunnaarutigivaa, Qeqertarsuatsiaani utoqqalinersialinnut aamma siusinaartumik pensionisialinnut Ornittagaq nutaaq pilersinniarlugu sulissutigineqartoq. Ornittagaq nutaaq naatsorsuutigineqarpoq pisortatigoortumik 1, januaari 2019 ammarneqassasoq.. Utoqqaat Siunnersuisooqatigiivinit Ornittakkap ammarneqarnera ajornanngippat peqataaffigerusunneqarpoq.
- Utoqqaat Siunnersuisooqatigiivi 2017-2021-mut toqqarneqartut kissaatigivaat Kommuneqarfik Sermersuumi illoqarfiit allat tikeraarneqarnissaat. Kissaatigineqartoq Suliffeqarnermut Isumaginninnermullu Ataatsimiititamut innersuussutiigineqassaaq.

